

Headline	Maklumkan TNB jika premis dinaiki air		
MediaTitle	Utusan Malaysia		
Date	21 Sep 2016	Language	Malay
Circulation	171,663	Readership	563,000
Section	Dlm Negeri	Page No	36
ArticleSize	150 cm <sup>2</sup>	Journalist	N/A
PR Value	RM 5,916		



## Maklumkan TNB jika premis dinaiki air

**KUALA LUMPUR 20 Sept.** - Tenaga Nasional Berhad (TNB) meminta orang ramai memaklumkan kepada pihaknya jika premis dinaiki air semasa banjir kilat akibat fenomena air pasang.

Pengurus Besar Kanan Hal Ehwal Korporat dan Komunikasi TNB, Datuk Ir. Mohd. Aminuddin Mohd. Amin berkata, orang ramai diminta berbuat demikian bagi memudahkan pihaknya menghentikan bekalan elektrik untuk keselamatan.

Katanya, TNB sentiasa mengawasi keadaan dari semasa ke semasa dan akan menutup bekalan ke pencawang di kawasan terlibat sekiranya paras air mencecah tahap bahaya.

“Penutupan bekalan elektrik ke kawasan terlibat dibuat untuk sementara waktu demi memastikan keselamatan orang awam terjamin.

“Bekalan elektrik akan disambung semula setelah air banjir surut dan keadaan kembali sela-

mat,” katanya dalam satu kenyataan di sini hari ini.

Tambah Mohd. Aminuddin, pengguna yang premis mereka dinaiki air juga perlu menghindari penggunaan sebarang peralatan elektrik dan memastikan suis utama ditutup bagi mengurangkan renjatan elektrik.

“Ibu bapa perlu sentiasa mengawasi tindak-tanduk anak-anak mereka agar tidak meng-

hampiri tiang elektrik yang tumbang atau wayar elektrik yang terputus semasa banjir kerana arus elektrik mungkin masih mengalir.

“Malah, setelah air banjir surut, pengguna perlu memastikan suis elektrik dan perkakas elektrik yang terendam dalam air diperiksa dan diuji terlebih dahulu oleh kontraktor elektrik yang berdaftar dengan Suruhanjaya Tenaga sebelum menggunakannya kembali,” jelasnya.

Orang ramai boleh menghu-

bungi pejabat TNB berdekatan, TNB Careline 15454 atau laman Facebook *TNBCareline* untuk sebarang pertanyaan.



**Penutupan bekalan elektrik ke kawasan terlibat dibuat untuk sementara waktu demi memastikan keselamatan orang awam terjamin.”**

**IR. MOHD. AMINUDDIN MOHD. AMIN**  
Pengurus Besar Kanan Hal Ehwal Korporat dan Komunikasi TNB